



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1176. Usque Ad Annum 1203

Fleury, Claude

August. Vind. [u.a.], 1763

VD18 90118022

§. 6. Conradus Moguntia Salisburgum translatus.

[urn:nbn:de:hbz:466:1-66394](https://nbn-resolving.org/urn:nbn:de:hbz:466:1-66394)

rius, Philippus Colonienſis, Veremun-
 dus Magdeburgenſis, Arnoldus Trevi-
 renſis, Epifcopi Paſſavienſis, Worma-
 tienſis, Auguſtanus, Maſſilienſis, Argen-
 toratenſis, Halberſtadienſis, Papienſis,
 Placentinus, Brixienſis, Novarienſis, Bor-
 mienſis *, Mantuanus, Balneoregienſis, * Acqui,
 Piſaurenſis, & Faventinus.

Sæcul. XII.
 A.C.1177.

§. VI.

*Conradus Moguntia Salisburgum
 translatus.*

Tunc vero captata occasione Christia-
 nus poſſeſſionem Archiepiſcopatus *Romuald.*
 Moguntini ſibi confirmari curavit. Poſt-
 quam enim non modicam operam ad
 reducendam pacem contuliſſet, Impera-
 torem & Principes Germanos vehemen-
 ter rogavit, ut electionem ſuam a Sum-
 mo Pontifice confirmari peterent. Cum
 iſta molimina Conrado, ante Chriſtia-
 num electo & conſecrato, ſuboluiffent,
 in Pontificis conclave admiſſus, *Haud*
ignoras, Sancte Pater, inquit, me amore
tui parentibus, patria, Eccleſia Mogun-
tina, in qua canonicè ordinatus fui, re-
lictis, in Franciam, videlicet in exilium
ſponte mea electum, ad te fugiſſe. Nec-
dum etiam memoria exciderit, quantum
adventu meo Eccleſiam juverim, ſedem-
que tuam adhuc in illo turbine vacillan-
tem

Sæcul. XII.

A.C. 1177.

tem firmaverim. Gratum ostendisti animum, cum me Cardinalem Presbyterum, tumque Episcopum Sabinensem, salva mihi Archiepiscopi Moguntini Dignitate, creasti. Nunc vero, nisi conjectura me fallit, in eadem Sede Archiepiscopali confirmaturus es Christianum Cancellarium, hujus Ecclesiæ, vi adhibita, usurpatorem, & hucusque Schismaticum. An istud æquitas, an ratio admittat? Respondit Papa: Memorem te esse, nullus dubito, quod coram nobis sepe professus fueris, te, si pax Ecclesiæ & Imperii alia conditione reduci non possit, quam ut Archiepiscopatum Moguntinum dimittas, Ecclesiæ quietem omnibus privatis tuis commodis esse prelaturum. At Imperator obstinato animo affirmat, non concessurum se pacem, si Cancellarius suus e Sede Moguntina pellatur; nos tamen nihil ei responsi dedimus, priusquam hac de re animum tuum explorassemus. Summo Pontifice ita loquente, Conradus victas manus porrexit, sancte promittens, se, ne pacis consilio obsistere videretur, Archiepiscopatum Moguntinum Papæ arbitrio simpliciter commissurum.

Papa, Conradi moderatione multum laudata, cum deinde cum Imperatore contulisset, Conradum ad Archiepiscopatum Salisburgensem transferre statuit. Venetiis tunc agebat, a Papa illuc vocatus,

catus, Albertus quoque, Regis Bohemiæ filius, olim Archiepiscopus Salisburgensis ordinatus, quem Papa perpendere iussit, ipsum nunquam gratum futurum Imperatori, nunquam pacem cum potentissimo Principe habiturum, persuasitque, ut Archiepiscopatum in manus suas abdicaret. Tunc igitur Episcopi Gurcensis & Passaviensis & non nulli Ecclesiæ Salisburgensis Delegati Archiepiscopum elegerunt Conradum, ita iubente Papa, qui electum, salva etiam Cardinalis Dignitate, confirmavit. Epistola hac in causa ad Ecclesiam Salisburgensem Venetiis in Rivoalto nona die mensis Augusti data est. Quin etiam Legationem in Germania, quoad ipse viveret, Papa contulit. Mox etiam Archiepiscopalem Dignitatem in Ecclesia Moguntina Christiano Cancellario stabilivit, qui illico presentibus Papa & Cardinalibus, Pallium, a Guidone Cremenfi Antipapa acceptum, flammis tradidit. Papa aliud ei Pallium ac etiam Philippo Archiepiscopo Coloniensi dedit; uterque enim, licet in Schismate, ab Episcopis tamen Catholicis Suffraganeis suis ordinatus fuerat.

Alexander Papa, datis ad præcipuos orbis Christiani Episcopos literis, pacem Ecclesiæ reductam & Imperatorem reconciliatum significavit; quod ex Epi-

B 4 stolis,

Sæcul. XII.
A. C. 1177.

Chron. Reichersp. an.

1177.
to. 10. Conc.
1499.

Sæcul. XII.
A.C. 1177.

ap. Bar.
to. 10 Conc.
p. 1244. &c.
p. 1318.
op. 39.

stolis, ad nos usque delatis, Petro Abbati Montis Cassini, Archiepiscopo Capuano, Guilielmo Archiepiscopo Remensi, Richardo Archiepiscopo Cantuariensi, & Rogerio Archiepiscopo Eboracensi scriptis, cognoscimus. Scripsit præterea Regi Franciæ. Ceterum in hac reconciliatione Imperatoris & Papæ studiosus lector adnotabit; quod Fridericus non nisi ab excommunicationis Censura tanquam Schismaticus absolvatur, de restitutione ipsius vero, tanquam a Papa ab Imperio depositi, nulla occurrat mentio. Nullibi etiam legimus, quod, tenente schismate, ejus Subditi Catholici, quin & Ecclesiastici lentius segniusque excommunicati, quam absoluti imperia executi sint. Nempe repugnabat Fidelium animus oneri jurisdictionis Papalis, quam Gregorius VII. de depositione supremorum Principum invehere molitus fuerat, se se subicere. Contra, Jus excommunicandi in Scriptura & Traditione fundatum, tanquam res seria certa-que habebatur ab omnibus.

Act. Alex.
Romuald.
to. 10. Conc.

Die Dominica, decima quarta Augusti, Vigilia Assumptionis, Alexander Papa Venetiis, in Ecclesia S. Marci, assistentibus Episcopis & Cardinalibus suis, Episcopis Longobardiæ, Germaniæ & He-truriæ præsentibus, Concilium celebravit, cui etiam Imperator, Dux Venetiarum,

rum, & Regis Siciliae Legati, ingensque Sæcul. XII.
 populi multitudo interfuerunt. A.C. 1177.
 Dicitis litaniis, precibusque consuetis, ac longa
 oratione de bono pacis habita, cum Pa-
 pa cereos ardentis Imperatori ceteris-
 que præsentibus tam Clericis quam Lai-
 cis dari iussisset, Excommunicationis
 fulmen intorsit in quemcunque, qui pa-
 cem modo sancitam turbaturus esset,
 moxque omnes exclamantes *Amen!*
Amen! cereos projiciunt & extinguunt.

§. VII.

*Epistola ad Joannem Presbyte-
rum.*

Alexander Papa Venetiis commorans, *Alex. ep. 48.*
 Epistolam ad quemdam Indorum Re-
 gem dedit, in qua dicit: *Pridem refe-*
rentibus multis audiveramus, quod Chri-
stiani nomen profitearis, bonis operibus
intentus sis, & Deo placere cupias. Sed
& Philippus Medicus, amicus noster,
dicit, se ex Optimatibus Regni tui in
ipsa Regione cognovisse, quod tibi propo-
situm sit, Doctrina Catholica & Disci-
plina erudiri, nullamque fidem a fide Apo-
stolicæ Sedis alienam tenere. Idem addi-
dit, quod vehementer exoptes, Ecclesiam
Romæ habere, & Altare in Basilica S. Pe-
tri, alterumque in Ecclesia S. Sepulchri,
ubi viri sapientes de Regno tuo habita-
 B 5 rent,